

Ա Ր Չ Ա Ն Ա Գ Ր ՈՒ Թ Յ ՈՒ Ն ԹԻՎ 03

ք.Երևան, Արշակունյաց 5.417 սենյակ

22.12.2015թ. ժամը 17.15

Համաձայն ՀՀ Կոտայքի մարզի ընդհանուր իրավասության դատարանի 30.11.2015թ-ի ԿԴ-2 /0114/04/13 որոշման՝ Խաչատուր Անուշավանի Վարդանյանի սնանկության գործով կառավարչին ազատելու մասին Ալբերտ Հովհաննիսյանի բողոքի վերաբերյալ համապատասխան որոշում կայացնելու համար, ս/թ-ի Դեկտեմբերի 22-ին հրավիրված Կարգապահական հանձնաժողովի նիստ.

ՄԱՍՆԱԿՑԵՑԻՆ՝

Հանձնաժողովի Նախագահ՝ Տիգրան Հարությունյանը
Հանձնաժողովի անդամ՝ Հենրիկ Մարտիկյանը
Հանձնաժողովի անդամ՝ Արմենակ Ադամյանը

«ՄԳԿԿ» ԻԿԿ Տնօրեն՝ Անդրանիկ Ելինյանը

Քաղաքացի Խաչատուր Անուշավանի Վարդանյանի սնանկության գործով կառավարիչ՝
Հովհաննես Եղյանը:
Բողոքաբեր՝ Ալբերտ Հովհաննիսյանը:

ՕՐԱԿԱՐԿՈՒՄ

ՀՀ Կոտայքի մարզի ընդհանուր իրավասության դատարանի 30.11.2015թ-ի ԿԴ-2 /0114/04/13 որոշման՝ Խաչատուր Անուշավանի Վարդանյանի սնանկության գործով կառավարչին ազատելու մասին Ալբերտ Հովհաննիսյանի բողոքի քննարկման հարցը.

ԼՍԵՑԻՆ – Կարգապահական հանձնաժողովի նախագահ ՝ Տիգրան Հարությունյանին, ով նախորոք ներելություն խնդրեց ներկաներից նիստը նշանակված ժամից ուշ սկսելու համար և խնդրեց հանձնաժողովի անդամներից, որ այլևս հրավիրված նիստերից չուշանան և ապահովվեն իրենց ներկայությունը ժամանակին:

Հանձնաժողովի նախագահը ներկայացրեց ստացված Դատարանի որոշումը, նրան կից բողոքաբերի բողոքը և առաջարկեց սնանկության գործով կառավարիչ՝ Հովհաննես Եղյանի նկատմամբ հարուցել կարգապահական վարույթ:

Հարցի վերաբերյալ ելույթի ձայն վերցրեց հանձնաժողովի անդամ՝ Հենրիկ Մարտիկյանը և նշեց, որ ըստ էության ՀՀ Կոտայքի մարզի ընդհանուր իրավասության դատարանի 30.11.2015թ-ի ԿԴ-2 /0114/04/13 որոշմամբ պետք է քննվեր՝ Խաչատուր Անուշավանի Վարդանյանի սնանկության գործով կառավարչին ազատելու, այսինքն լիազորությունների վաղաժամկետ դադարեցումը, որը համաձայն «Սնանկության մասին» ՀՀ օրենքի 32-րդ հոդվածի 1-ին մասի դատավորի լիազորություններն են և «ՄԳԿԿ» ԻԿԿ-ն կամ Կարգապահական Հանձնաժողովը այդ հարցի վերաբերյալ կարծիք կամ եզրակացություն տալու պարտականություններ չունի, ինչ վերաբերվում է որոշմանը հիմք հանդիսացող բողոքին, ապա բողոքում նշված դեպքերի և սնանկության գործով կառավարչի գործողություններում կարող են տեղ գտած լինել կարգապահական խախտումներ, որոնց քննման և վեր հանման համար անհրաժեշտ է հարուցել Կարգապահական վարույթ և քննել բողոքում առձածված հանգամանքները:

Առաջարկը դրվեց քվեարկության:

ՔՎԵԱՐԿՈՒԹՅՈՒՆ

Կողմ - 3

Դեմ - 0

Չեռնպահ - 0

ՈՐՈՇԵՑԻՆ – Քաղաքացի Խաչատուր Անուշավանի Վարդանյանի սնանկության գործով կառավարչ` Հովհաննես Եղյանի նկատմամբ` ՀՀ Կոտայքի մարզի ընդհանուր իրավասության դատարանի 30.11.2015թ-ի ԿԴ2 /0114/04/13 որոշմանը կից «ՄԳԿԿ» ԻԿԿ-ին ուղարկված քաղաքացի Ալբերտ Հովհաննիսյանի 26.11.2015թ-ի բողոքում առժամված հանգամանքներում, սնանկության գործով կառավարչի կողմից «Սնանկության գործով կառավարիչների մասնագիտական վարքագծի Էթիկայի» կանոնների խախտման դեպքերի վերհանման համար, հարուցել կարգապահական վարույթ:

ԼՄԵՑԻՆ – Հանձնաժողովի նախագահ` Տիգրան Հարությունյանին, ով առաջարկեց աշխատանքային հետևյալ կարգը`

1. Լսել բողոքաբերին
2. Լսել սնանկության գործով կառավարչին
3. Ուսումնասիրել ներկայացվող փաստաթղթերը

Հանձնաժողովի անդամները, բողոքաբերը, սնանկության գործով կառավարիչը համաձայնեցին աշխատանքային կարգին:

Համձայն աշխատանքային կարգի Հանձնաժողովի Նախագահը ձայնի իրավունք տվեց բողոքաբեր` Ալբերտ Հովհաննիսյանին, ով իր բողոքը ներկայացնելուց առաջ ներկայացրեց պահանջ հանձնաժողովի նախագահին «Կարգապահական վարույթի անցկացման» ինտերնետային կայքից հանված Կարգը հաստատել և հետաձգել հանձնաժողովի նիստը քանի որ իր փաստաբանը հիվանդ է և չի կարողացել ներկա գտնվել այս նիստին և որ ինքը կարիք ունի իր փաստաբանին ներկայացնելու վերոգրյալ Կարգը, հետագայում ըստ դրա աշխատելու նպատակով:

Հանձնաժողովի նախագահ` Տ. Հարությունյանը բողոքաբերին հայտնեց որ «Կարգապահական վարույթի անցկացման» Կարգը հաստատված «ՄԳԿԿ» ԻԿԿ 16.11.2013թ-ի ընդհանուր ժողովում և Կարգապահական Հանձնաժողովի նախագահը չունի այդ կարգը հաստատելու կամ վերահաստատելու լիազորություններ և հնարավորություն, իսկ ինչ վերաբերվում է նիստի հետաձգմանը բողոքաբերի փաստաբանի հետագայում ներկա գտնվելու պատճառաբանությունով, ապա պետք է նշվի, որ բողոքաբերը հանձնաժողովի նիստի հրավիրման մասին ծանուցվել է գրավոր և շուրջ չորս օր /ստանալուց հետո, մինչև նիստի օրը/ ուներ, իր փաստաբանի հետ խորհրդակցելու և նրա ներկայությունը ապահովվելու համար, ուստի այդ պատճառով Հանձնաժողովի նիստը հետաձգել նպատակահարմար չէ:

Բողոքաբեր Ալբերտ Հովհաննիսյանը չհամաձայնեց հանձնաժողովի նախագահի հետ, բայց հանձնաժողովի անդամների կարծիքները լսելով ներկայացրեց իր բողոքի էությունը, մասնավորապես շեշտելով, որ սնանկության գործով կառավարիչ` Հ. Եղյանը հաշվի չառնելով իր «պահանջը» և «գրավոր ուղղումը», գործում է «ինքնուրույն» «առանց իր հետ որևէ ճշտումներ կատարելու», համագործակցում է կալանավայրից վերադարձաց պարտապան` Խ. Վարդանյանի և նրա իսկախոհների հետ, խախտելով «Սնանկության մասին» ՀՀ օրենքի 23-րդ հոդվածի 2-րդ կետի /ա/ ենթակետը, 25-րդ հոդվածի 1-ին մասով սնանկված պահանջները, որի հետևանքով կորցրել է իմ «վստահությունը» իր նկատմամբ, որի հետևանքով էլ նա դիմել է դատարանին սնանկության գործով կառավարչի լիազորությունները վաղաժամկետ դադարեցնելու համար:

Հանձնաժողովի անդամ` Ա. Ադամյանը հարց ուղղեց բողոքաբերի, այն մասին, թե բողոքաբերը ինչ նկատի ունի կառավարչի և պարտապանի «համագործակցություն» նշելով:

Բողոքաբերը պատասխանեց, որ սնանկության գործով կառավարիչը կատարում է այնպիսի գործողություններ, որոնք բերում են իր իրավունքների խախտմանը, մասնավորապես հայց է ներկայացրել դատարան գումարի պահանջով, որը առարկայական չէ, բայց պետք ներկայացնել բնակարանի առք ու վաճառքի պայմանագիրը անվավեր ճանաչելու մասին հայց և ավելին իր ներկայացրած հայցը ներկայացրել է ոչ այն դատարանին, որտեղ պետք է ներկայացնել, որի հետևանքով դատարանը չի ընդունել հայցը և վերադարձրել է, պատճառաբանելով, որ «Հայցը ներկայացված է քաղաքացիական դատավարության օրենսգրքի նորմերի խախտմամբ»:

Բողոքաբերը ներկայացնելով վերոնշյալը մեկ անգամ ևս պահանջեց հանձնաժողովի նախագահից հաստատել «Կարգապահական վարույթի անցկացման» ինտերնետային կայքից հանված Կարգը, իր փաստաբանին ներկայացնելու համար, հակառակ դեպքում ինքը կլքի նիստը:

Ստանալով հանձնաժողովի նախագահի նույն պատասխանը ինքնական լքեց նիստի վայրը: Բողոքաբերի նիստի վայրը լքելուց հետո հանձնաժողովի նախագահին առաջարկեց անցնել աշխատանքին կարգի երկրորդ մասին և ձայնի իրավունք տվեց՝ սնանկության գործով կառավարիչ Հովհաննես Եղյանին:

Սնանկության գործով կառավարիչը ներկայացրեց սնանկության վարույթում կառավարչի կողմից, պահանջների բավարմանը ուղղված կատարված և կատարվելիք աշխատանքները, մասնավորապես կապված բողոքում հիշատակված քաղ.գործերի և պարտատիրոջ ու պարտապանի հետ «համագործակցելու» վերաբերյալ:

Կառավարիչը նշեց, որ տվյալ գործով ժամանակավոր կառավարիչ է նշանակվել 25.11.2013թ-ին վիճակահանության արդյունքում իսկ սնանկության գործով կառավարիչ է նշանակվել 08.01.2014թ-ին, նույնպես կայացած վիճակահանության արդյունքում, իսկ այդ ընթացքում պարտապանը ինչպես նաև բողոքաբերն է նշում գտնվել է կալանավայրում:

Կառավարչի կողմից պարտապանի և նրա ամուսնու գույքի հայտնաբերման նպատակով կատարվել են հարցումներ գրանցման լիազորություններ ունեցող պետական մարմինների, որտեղից ստացված պատասխաններից պարզվել է, որ պարտապանը չունի գույք և ակտիվներ, բայց ՀՀ ԱԳԿ պետական կոմիտեից ստացված պատասխանից պարզվել է, որ պարտապանը 2011թ-ի Մայիսի 04-ին օտարել է ք. Երևան, Նոր Նորքի 4-րդ զանգված, 2-րդ հատված, Հովհաննիսյան փող. 92.25 բնակարանը - 15 355 000 ՀՀ դրամով, որտեղ պարտապանը հանդիսացել է համասեփականատեր:

Վերոգրյալ անշարժ գույքի վաճառքի օրվա դրությամբ շուկայական արժեքի որոշման համար դիմել են «Հաշվարկային պալատ», որտեղից 23.04.2014թ-ին ստաված պատասխանից պարզվել է, որ անշարժ գույքի 04.05.2011թ-ի դրությամբ շուկայական արժեքը կարող էր կազմել՝ 21500000 ՀՀ դրամ:

Վերոգրյալից հետո կառավարչի կողմից «Սնանկության մասին» ՀՀ օրենքի 54-րդ հոդված /Գ/ ենթակետի հիմքով կազմվել է վնասի փոխհատուցման /որովհետև առք ու վաճառքի պայմանագրի անվավերության հիմքեր չկային և մնան լիազորություններ սնանկության գործով կառավարիչը չունի/ հայցադիմում և գույքի գտնվելու վայրով ներկայացվել է՝ Երևան քաղաքի Ավան և Նոր Նորք վարչական շրջանի ընդհանուր իրավասության դատարան: Դատարանը հայցադիմումը վարույթ չի ընդունել, քանի որ հաշվել է հայցադիմումը ներկայացված է ոչ ընդատյա դատարան: Կառավարչի կողմից 20.05.2014թ-ին արդեն պատասխանողի բնակության վայրով՝ ՀՀ Կոտայքի մարզի ընդհանուր իրավասության դատարան է ներկայացրել համապատասխան հայցադիմում, որը դատարանի կողմից ընդունվել է վարույթ, քննվել է և 12.10.2015թ-ին կայացվել է՝ թիվ ԿԳ-1 0624/02/14 վճիռը, ըստ որի հայցը բավարարվել է մասնակի և պատասխանողից պետք է բռնագանձվի՝ պակաս վճարված 107 000 ՀՀ դրամի 1/5 մասը՝ 21 400 ՀՀ դրամ:

Կառավարիչը նշեց նաև, որ վերոգրյալ դատավարությունը /27.05.2014թ-ից մինչև 12.10.2014թ./ այդքան երկարաձգվել է միայն բողոքաբեր Ալբերտ Հովհաննիսյանի և նրա Փաստաբան Ռևիկ Գևորգյանի տարբեր պատճառներով նիստերին չներկայանալու իրենց միջնորդություններով քաղ.գործի քննությունը այլ ուղղությունով տանելու նպատակ հետապնդելու պատճառով, բայց այն փաստը, որ բողոքաբերը և իր փաստաբանը մասնակցել են դատավարությանը՝ ինքնուրույն պահանջ ներկայացնող երրորդ անձի կարգավիճակով, դա փաստ և այն հանգամանքը, որ բողոքաբերը բողոքում է կառավարչից, թե սխալ հայց է ներկայացրել, իրենք այդ իրավունքը ունեն և կարող էին պաշտպանել իրենց իրավունքները ինքնուրույնաբար, որը և կատարել են, ավելին բողոքաբերի կողմից Վերքննության կարգով բողոք է տարվել վերոգրյալ վճռի դեմ, որը 27.11.2015թ-ին վերադարձվել է ՀՀ Վերաքննիչ դատարանի կողմից, խախտումների առկայության պատճառաբանությամբ, որոց վերացման դեպքում բողոքաբերը կարող է ներկայացնել բողոքը դատարանին: Այս պահի դրությամբ վերաքննիչ բողոքի ներկայացման վերաբերյալ տեղեկություններ կառավարիչը չունի:

Սնանկության գործով կառավարիչը հանձնաժողովին ներկայացրեց վերոգրյալի վերաբերյալ փաստաթղթեր/չարցումների, պատասխանների, որոշումների վճիռների, բողոքի, հայցադիմումի, արձանագրությունների լուսապատճենները - 28 թերթ/

Հանձնաժողովի նախագահ՝ Տ. Հարությունյանը ըստ աշխատակարգի ներկայացված փաստաթղթերը հանձնեց հանձնաժողովի անդամների և խնդրեց ուսմնասիրելուց հետո սկսել քննարկում ըստ էության:

Փաստաթղթերի ուսումնասիրությունից հետո ձայն խնդրեց հանձնաժողովի անդամ՝ Հ. Մարտիկյանը, ով մասնավորապես նշեց, որ ըստ էության սնանկության գործով կառավարիչ՝ Հ. Եղյանը, տվյալ սնանկության վարույթում կատարել է օրենքով սահմանված իր պարտականություններ և չի թերացել դրանց կատարման, ոչ մի կետում և բերված բողոքը ավելի շատ իր մեջ պարունակում է չփաստարված հայտարարություններ, որոնք հերքվում են կատրված աշխատանքի ներկայացումից հետո:

Մնացած անդամները համաձայնեցին Հ. Մարտիկյանի հետ:

Հանձնաժողովի Նախագահին հարցը դրեց քվերակության

ԲՎԱՐԿՈՒԹՅՈՒՆ՝

Կողմ – 3

Դեմ – 0

Չեռնպահ – 0

ՈՐՈՇԵՑԻՆ՝

1. Քաղաքացի Խաչատուր Անուշավանի Վարդանյանի սնանկության գործով կառավարչ՝ Հովհաննես Եղյանի նկատմամբ՝ ՀՀ Կոտայքի մարզի ընդհանուր իրավասության դատարանի 30.11.2015թ-ի ԿԴ-2 /0114/04/13 որոշմանը կից «ՄԳԿԿ» ԻԿԿ-ին ուղարկված քաղաքացի Ալբերտ Հովհաննիսյանի 26.11.2015թ-ի բողոքում առժամված հանգամանքներում, սնանկության գործով կառավարչ՝ Հովհաննես Եղյանի կողմից «Սնանկության գործով կառավարիչների մասնագիտական վարքագծի Էթիկայի» կանոնների խախտման դեպքերի, /մեղքի/ բացակայության պատճառաբանությամբ, հարուցված Կարգապահական վարույթը կարճել:

2. Սույն Որոշումը և նյութերը ներկայացնել «ՄԳԿԿ» ԻԿԿ համապատասխան կառավարման մարմնի հաստատմանը:

3. Հաստատումից հետո եռօրյա ժամկետում սույն որոշման օրինակը ուղարկել կողմերին և ՀՀ Կոտայքի մարզի ընդհանուր իրավասության դատարանի դատավոր՝ Է. Սեդրակյանին:

Հանձնաժողովի Նախագահ՝ Տ. Հարությունյան



Հանձնաժողովի անդամ՝ Հ. Մարտիկյան

Հանձնաժողովի անդամ՝ Ա. Ադամյան

Նիստի մասնակից՝ «ՄԳԿԿ» ԻԿԿ Տնօրեն՝ Ա. Ելինյան